

11601 h-7

MICROSCOPIUM

D

MICROSCOPIUM,

&

k

CERTAMEN GLACIALE.

MICROSCOPIMUM.

&

CERTAM GLACIALE



MICROSCOPIUM

Dedaleas Naturæ artes, quas prodiga rebus
Lusit in exiguis; quam miris semina florum
Folliculis servat; quo poplite crura lacertosque
Alligat insectis; quali lanugine parcas

Vestit apes, teneris intexens serica pinnis;
Quos mores & quæ pugnacibus addidit arma,
Loricas galeasque & non imitabile textum,
Aggrediar: jamdudum oculos latuere superbos
Egregiæ infra nos gentes, ludibria quondam,
Nunc hominum invidiam mutatâ forte laceffunt;
Hookeias ex quo per *lentes* tempore visæ
Induerint magnos artus & vix sua membra.

Ecce! animal—quid si versu intractabile nomen?
Notior haud sua cuique coma est; tantum illud inerrat
Crinibus: induitur testâ quæ pressa fatiscit
Cum crepitu: mediâ surgunt duo cornua fronte:
Hæc præeunt, interque comas immissa sonantes
Ante parant aditum, via ne sylvestris eunti
Impediat gressus, oculos aut radat inermes.
Sex femora ad mediam coeuntia subligat alvum,
Longa quibus crurum series demittitur æquos
Juncta per articulos; subtusque plicatilis unguis
Se legit in pugnum, complexuque obvia prensat.
Hinc digiti vigilés siquando, aut lethifer instat
Morsibus excitus pollex, se condit in umbras
Præcipitem, lapsus per crinem, artusque repente
Colligit in nodos, & inextricabilis hæret:
Aut patriam linquens tergi vagus exulat oris,
Atque alium ducit mutatâ gente colorem.

Carmine quo formam celebrem tuaque hispida membra,
Provida *Apes*, pacis cupiens, nec frigida pugnâ
Bellatrix? caudâ se promit aculeus imâ
Cæca venena ferens, & versis obfitus hamis
Fucorum in costis nunquam revocabilis hæret.
Grandior in vitro, *Crabronis* & æmula surgis;
Nec tamen ingentes suras tibi mella, rapinæ
Hortorum egregiæ, complent, nec odora thymi vis.

Qui tamen, O superans *Chymistas* igne potentes,
 Floribus infidens mellis secernis olentem
 Materiam, & lacrymas Narcissi, & furta rosarum
 Dulcia? qui totidem succos in amabile nectar
 Concilias, Ganymede prior Bacchive ministris?

Quorsum oculos avertis? *Aranea* tanta veneno
 Non tumet, à vitro largos se tollit in artus.
 Ut caput angustum, nec in ullam flexile partem,
 Inferuit natura humeris! ut lumina septem
 Transtulit in tergum, mirumque locavit in orbem,
 Tot *Microscopia*, ad speculandum si qua feratur
 Musca sub occultæ stridens confinia telæ!
 Qualis ubi irradiat stellatus iaspide crebrâ
 Annulus, à quavis tremulâ cum luce retortæ
 Scintillæ instabiles subtus laquearia ludunt.

Aspice juncturas crurum per mutua nexas,
 Parvus & ad genuum tumet internodia poples.
 His opus, excubiis intentam ubi jusserit hora
 Et farcire dolos, & hiantia cogere lina,
 Retiave in foribus pendentia texere filis
 More rotæ positis, nectentem singula nodo,
 Nec muscas missura senes, nec pervia parvis.

Cum semel illapsam prædam trepidantia longe
 Fila monent, sparsamque in dorso musca colorum
 Luxuriem ostentat, totoque effulget in auro,
 Divitiis celerans sua funera; percita longe
 Spe spolii atque dapum venatrix exit ab antro,
 Effera, collecto spirans lugubre veneno,
 Et pressa in tremulis saliunt vestigia filis.
 Respicit hæc: hostis cum protinus implicat uncus
 Circumfusa pedes; nequicquam viribus impar
 Musca reluctatur, venientique objicit omnes
 Naturæ phaleras & inutile pectoris ostrum,
 Nescia certandi; nequicquam retia quassat
 Sæpius affurgens; toties revoluta recumbit
 Complexu in misero, & longâ sub morte laborat.
 Defunctæ exuviis victrix saturata trophæum
 Instruit: in foribus speluncæ ex ordine figit
 Cruraque, & avulsum caput, incoctoque nitentes
 Murice adhuc humeros; necdum alis purpura languet.
 O forma insigni præstans! neque pulchrius ullum
 Te volat insectum, aut tanto se vestit ostro.

Proxi-

Proxima forte tenens *Dembyr* locay, *serica jactat*
 Licia; nec felis ideo contendat *Phryxan* quo
 Stamen ab ore trahens, & circum tegula revolvens,
 Continuum exhaurit jecur ac fecunda appetis
 Illia, dum penitus datet intersilay, suisque
 Providus exequiis fundebat texit amictum.
 Sic animam in telas vomit, inductisque sepultus
 Conditur auleis, nec curat marmora regum.
 Donec in effigiem tince revolutus in miras
 Redditur, ut plures nascendas vere futuro
 Textrices pariat, stirpemque reponit in ovis.

Non fecus *Infectis* redit omnibus annua proles
 Per ternos nixus *vernū* eluctantur ab ovis
 Semianimi vermes sub tempus, & induit alis
 Pubentes calor, ac maturis efficit ova,
 Ova revertenti parientia vere nepotes.
 Sic *Scarabæus* humum, temo aliger ordine partus,
 Linqvit, & in geminam *Tince* rediere juvenam.
Musca prius vermils formam gerit, ante repositis
 Quam tota exuvils laxas eripceat alas.
 Sic & maternum vermem jam stridula pinnis
 Rumpit *Apes*, sic in voluerem se reptilis edit
Papilio, inque aliam reficit se *Vespa* figuram,
 Ac confanguineus *Crabro*, scissasque renata
 Sæpius in dumis tunicas liquere *Cicada*.
 Nec mortem interea penitus patiuntur, ut inter
 Deliquium incescit nascentibus, usque volantum
 Dum genus induerint, & se mirentur in alis.

Quas in cryсталlos *Solis* humida grana nitentes
 Fundit, inexhaustis ludens *Natura* figuris.
 Nunc patula quadra, talusve volubilis exit,
 Nunc & acus, cuneique, & longe forma cylindri,
 Innocuique enses, & acuta stiria barba,
 Artificis monumenta manus: hunc ordinis edit
 Immemor informes *Rhombo*, & iniqua *Scalena*,
 Manaque *Conorum* capita, & sine nomine *Frustrum*.
 Cuique suum varians discrevit forma laporem.
 Dulce gulam mulcens translabitur, aere palatum
 Vulnerat & rasæ querebunda foramina lingue.
 Hinc vires medicis notæ, quid destinet ogis
Vitrioli gravis haustus, ut ilia laxet *Alumen*,
Armonii ut nares tentantibus occupet odor
 Spiritus, & lacrymis frustra risere coactis.

Fas enim *Hominum* vitro comprehendere formas
 Quo mihi caupones ad poenas prodere cordi est,
 Sacrilegos *Bacchi* cultores, dolia *Baccis*
 Inficere audentes, simulato nomine *Divi*;
 Grandius ut vinis pretium mendacibus addant.
 Scilicet exploram vitro, licet omnibus idem
 Miscuit infidias rubor, an vim simplicis uvæ
 Musta ferant, fluido propriam servante figuram,
 Mentitusve color jejunos tinxerit amnes.

Quisquis *Apollineas* artes atque medendi
 Scire cupis, cernes *Cruor* ut diductus ad ungues
 Mille per arterias totidem discurret in ora,
 Refluaque invertit ramosis flumina venis:
 Lentior his, nec quod sanguis salit impete, nec quem
 Imposito venis explores pollice pulsum.

Vidimus in cerebro *Nervos* ab origine sparfos
 Arboris in morem, sitibundaque in ora legentes
 Fæce laboratum per millia vasa cruorem,
Spiritus fontes: nec visu gratior ulla,
 Quam quæ discisso cerebello apparuit arbor.

Vidimus, ut *Rami* binâ propagine tensi
 Mollibus in fundis oculorum retia texunt.
 Et quibus in gyris nervus, cui munus in aurem
 Ferre fonos cecidit, *Conchæ* interiora pererrat
 Spiramenta cavæ, vocemque per antra volutat.
 Tum primum atque *Stapes*, tenuisque apparuit *Incus*,
 Contigua officula; ac, quasi plectrum, *Malleus* adstat,
Malleus affiduo percellens *Tympana* pulsu.

Sæpius *Herbarum* naturas incidit ardor
 Per varias quæfisse *Tribus* ac nomina mille,
 Perque suas *Classes* florum genus, ordine primo
 Semina in ætatis cum jam natura pararit
 Adventum, circum foliis evincta volutis,
 Pabulaque immulget per hiantes lactea fibras.
 Miror, ut affidue in crescentia lilia pallor
 Serpit, & in violas rubor: aut maculosus ut ostro
 Fulgor inardescit foliis pictæque *Tulipæ*,
 Puniceique croci: aut aliis ut fimbria circum
 Funditur in dentes, laceratque venustius oras.
 Nec memorare vacat, quam parvo è semine cæpe
 Cresceret in caput, aut vigilantum in vota papaver
 Venturum; nondum foliis obliviva spargit.

Quid dignet numeris *Urtica* ignobile gramen? *Culpa*
 Mordacis tactu quis enim non conscius herbae? *Pollice*
 Se clivos aperire prope, & discedere valles
 Hiruto aspicias folio, quibus aspera silva
 Confurgit, parvosque tegunt hastilia colles.
 Horum apices tactu si quis percurrere molli
 Audeat, ultrices infundit acumine succos
 Herba venenata, & refilit cum vulnere pollex.

Ortus in annofo librorum tegmine *Mucor*
 Fert tenues hortos, & amena cubilia florum.
 Spongia fortuito se semine tollit, & una
 Boletus cucumisque; acarisque errantibus escas.
 Quid ni sufficiant? quid ni sua nomina jactent,
 Alcinoosque suos? dum tu mantilia poscis
 Inscius heu! maculasque putas, unaque liturâ
 Funditus ignotis abstergitur hortulus herbis.

Tantum oculos *Glandis* paulisper forma moretur,
 Primitiæ quercus: istâ sub pelle putandum
 Et truncum, & ramos, ramisque increescere frondes?
 Mille, aliam ex aliâ, materno in semine quercus
 Natura implicuit, pariendas quamque quotannis
 Glandibus ornatas foliisque, ac ligna daturas
 Usus in tectorum, malos aut puppibus altis.

Abstineas visus, Opifex: *Fabrilis* quondam
 Æmula naturæ tua, seu quod rasile torno
 Seu quod in ære polis, opera allatura pudorem.
 Cælata argento ramos imitetur & umbram
 Vitis, & incisæ certent crescentibus uvæ:
 Fictile spiret opus, gratus potantibus error:
 Improba *Lens*, miranda prius, jam vulnera ferri
 Prodidit, & calicem duro ceu vomere cæsum:
 Frondeaque in turpes sulcos evanuit arbor.

Nec non virginibus moveas spectantibus iras;
 Picta ubi vestis, acûs labor indefessus, ubi omnis
 Ornatus capitis se crassa in retia vertit,
 Retia five fabis, seu caulibus apta coquendis.
 Tum si forte suos præcisos turpiter ungues,
 Squammosasque manus cernunt, fetisque rigentes,
 Ut visum abrumpunt! tamen æquum in mente recurfat
 Judicium *Lentis*, scabræque opprobria pellis.

Ipsa acies *ferri*, quamvis nec læsa rigore est
 Demessæ barbæ, tonforque in cote subegit;
 Manca tamen cæcis vacat interrupta lacunis,
 Non minus ac lignis findendis fracta securis;
 Aut ferræ argutos ostendens lamina dentes.

Cuspis *acis*, opifex quam vix impune laceffit
 Pollice virgineo, quæ linea texta figuris
 Percurrit variis, nec stamina lædit eundo;
 Nunc jaculi in molem se tollit, acumine trunco,
 Poscentis limam, nec dudum incude politi.

Verum ad Te & tua facta, Parens Natura, reverter;
 Virtutes aperit vitrum Tibi, dedecus Arti.

Pulicis ante oculos magnis cum cornibus adstat
 Hirtum ac torva tuens caput, & scelerata proboscis,
 Quam cutis agnoscit stimulis terebrata cruentis.
 Induit effigiem & salientis crura cicadæ:
 Ocyor ac oculi conjectu, huc cominus atque huc
 Lintea pervolitans digitis prensantibus exit
 Incensæ ancillæ; fuerit nisi tarda propinqui
 Mole puerperii, aut pleno ebria sanguinis haustu.

Olim etiam quendam vidi gessisse catenam
 Auratam, ingentem, tercentum nexibus aptam:
 Qualis aper qualisque in circo ducitur ursa;
 Sic vinclum attollit grave, servitioque superbit
 Demens, ac tracto graditur jactantior auro.
 Neve fugam aggreditur, veteres nec lubricus astus:
 Nec subit in mentem libertas prisca vagandi
 Virgineâ in tunicâ, aut bipedalis gloria saltus:
 Cruraque degenerant choreas oblita priores.

Neve tuam licet antra foves, *Formica*, recondes
 Effigiem: admiror vultum; quid enim caput istam
 Fert galeam? nec pugnae habilis, nec idonea castro es:
 Ire laboratum, subque horrea cogere farra
 Hic amor est. Agnosco humeros, queis ferre solebas
 Grandia frumenta, aut longæ grave pondus avenæ,
 Dimidium messis: ferratos ordine dentes
 Comprimit os, onera ut vectantibus æquet in annos
 Dux operum, statuens humeris versatile pondus.

Ecce! *Acarum*, veniens per viscera perque fideles
 Loricâ costas, acus (illætabile visu!)
 Tranfigit: ecquis & hos dolor, ecquæ commovet ira?
 Huc se torquet & huc, ac frendens dentibus, apris
 In morem, trans pectus ubi venabula figunt,
 Sæviit in vulnus: ter ferrum dentibus ardet
 Prendere nequicquam, ter circumflectere crurum
 Agmina: complexum nimia fugit ambitus hasta.

Aspice! ut articulos genuum mors frigida solvit,
 Unguicunque tremunt graciles! deinceps colla reponens
 Fossam in caseolo moriens reminiscitur antrum.

Nam

Nam latere exeso situs inter dolia guttas
 Caseus excipiat; quo condita matribus ova
 Imbuet ad vivum penetrans liquor: ut redit æstus
 Vere novo, liquefacta domus vestigia vitæ
 Prodit, & in turmas Baccho se facta resolvit:
 Milla perrumpunt tenues animalcula testas
 Nata Deo, stirpemque angusto in pectore narrant.

Vita fugax nimium, si carpant mane juventæ
 Gaudia, sub noctem grandævus occupat ætas;
 Nec triduum a tetris distant cunabula bustis.
 At gens, fluxa licet, manet, hesternosque parentes
 Jam vetulos colit, & biduam veneratur avorum
 Canitiem: *minimis* dominatur & æmula priscæ
 Fama & facta domus, longæque superbia stirpis.

Forte & sint illis sua prælia, forte sub antris
 Gens fruatur oppidula, & graveolentes excavet urbes:
 Forte etiam leges condant, parvumque senatum;
 Atque fora & Circos, parva & Capitolia norit:
 Foelix, heu nimium foelix! dum cuspide favâ
 Inscius in partes opera intent talia culter
 Dividat imperium: frustra per proxima quærunt
 Effugium, aut pendent aulas & limina circum!
 Nam cum dimidio regno, cumque urbibus amplis
 Eruta jejunam Respublica fertur in alvum.

Omnis & *Anguillas* secum vehit haustus aceti,
 Innocuas, tenues; nostris in faucibus illæ
 Ignaræ exultant, acuuntque in prandia ventrem,
 Tardaque sollicitant motis jejunia caudis,
 Ceu Cete (ut perhibent) pelagi dum fluctibus ingens
 Porrigitur, somnoque jacens extenditur undis,
 Pisciculum errantum per apertas agmina fauces
 Accipit: ast illi stomachi irremeabile claustrum
 Heu! fati immemores tranant, nec somnia turbant.

Cætera cui versu est comprehendere? nonne tumentes
 Sæpe vides nodos, scabiemque aut ulcera credas
 Infecto innasci folio? gens tota sub istis
 Speluncis habitat, frondisque inclusa minutas
 Et venas bibit, & cunabula concava nodit.
 Sin tibi parca fides, surgentibus infode nodis
 Introitum, & latebras explora: millia cernes
 Luce intus trepidare novâ, sibi visa renasci:
 Prole humeros ovisque, aliâ spe stirpis, onusti
 Exilium indigenæ subversâ gente sequuntur,
 Et fata in folii diverso tramite quærunt.

HÆC super *Insectis*: juvat hinc ingentis Olympi,
 Cœlicolumque domos, loca foeta latentibus astris,
 Visere ope *Speculi*: juvat extra solis & anni
 Circuitus, cœlum procul explorare profundum,
 Rimarique novos mundos: quis sidera mecum
 Eruet, ac aliis calefactos solibus orbes?

Sæpe mihi libuit, superanti carmina vitro
Theffala, distantem cœlo deducere *Lunam*,
 Quam clypeo abfimilem nunc, exiguisque rotarum
 Orbibus! ipsa ingens, ingentisque æmula Terræ,
 Cum fluviis, scopulisque, & magnis montibus adstat.

Sol etiam ante oculos pelagis maculosus, & ingens,
 Fumantemque globum torrentiaque æquora pandit,
 Et juxta horrificus tercentum exæstuat *Ætnis*.

Errantum hinc nomen notis posuere *Planete*
 Curfibus: ipse dato reditus in tramite flectit
Saturnusque senex, & scisso crine *Cometa*:
 Hic abit in cœlos extremæque avia noctis,
 Terribilem attondens caudam, tenuemque reponit
 Jam magis atque magis: rursus ad lugubre peracto
 Orbe ministerium redit è penetralibus imis
 Ætheris, & solem rotat illætabile circum
 Toftus iter; rursusque fugâ sublapsus in axem,
 Afflatumque polum tremefactaque sidera verrit.

Quatuor æquato revolutæ ex ordine *Luna*
 Imperium *Jovis* illustrant; quarum ocyus actis
 Interior gyris sequiturque fugitque sorores:
 Sic reliquæ, inter se miscentes orbibus orbes,
 Perpetuam intexunt mentito errore choream.
 Qualis ubi indiciis duodenis dividit horas
 Lamina, & interior momentis vertitur ordo,
Automati in facie: bis senos intimus explet
 Dum gyros *Index*, momenta fugacia servans,
 Confortem toties mediis in curfibus instans
 Consequitur; jamjam tenet, elapsusque relinquit
 Invigilantem horis, & agentem ignavius orbes.

Sin mihi tanta sequi vires, Natura, recusas,
 Sidereasque invisere opes, magna atria cœli;
 Pandere at in *tenui* placeat Tua dædala facta,
 Pandere inexhaustos servantia scrinia luxus,
 Luxus ultra operas Regum, ultra carmina Vatum.

F I N I S

CERTAMEN GLACIALE.

Anglice SCATING.

ISS, quæ fluvios pronâ Dea fundis ab urna,
 Dura licet juncos, ripis decus, annua tondent
 Frigora, nec superest adstantibus umbra salictis;
 At non omnis honos cessit: seu velet arundo
 Tempora, seu spoliavit hyems; seu laberis alveo
 Liberior, seu vincta gelu es; Te rite colemus
 Te, Dea: Tu nobis alternas gaudia, remis
 Si pulsu minus, at labentibus hospita plantis.
 Jam quos aut ludi studium, aut violentia brumæ
 Impulit, excursum super amnes agmina tentant
 Misti viris Juvenum: ac pueri vestigia ferre
 Per glaciem impavidi, vitreisque in pontibus audent.
 En! ubi longa cohors elabitur ordine pacto
 Hic puer ante alium: aut volitans sub verbere turbo
 Detinet intentos ludo: se reddit ad ictum
 Buxus in orbe fugam curvans, aut vertice fixo
 Volvitur in sese, placidam mentita quietem.
 At pedis incertus multos confinia circum
 Error agit, querulique explorant gurgitis oras.
 Sed jam fama novi cursus circum omnia fusos
 Stagna vocat: medio in conventu quinque parati
 Stant juvenes; imis vestigia lignea plantis
 Subjiciunt, ferrique acies infusa sub omnem
 Scindit iter soleam, & labendo flumina cælat;
 Scilicet hæc undis, usus imitata carinæ,
 Sulcat iter, strictis iter hæc, currentibus illa.
 Quisque loco nescit consistere: limina circum
 Huc atque huc labuntur; & intentata sequuntur
 Ludicra signa pedes, & non remeabilis error.
 Sæpe malo in fluxu inscribunt nomina amanti
 Omne: liquentur fluvii, liquantur amores.
 Protinus ad signum certamen è finibus una
 Effusi, longe ante agmen clamore sequentum

Effugere, pedumque alternis ictibus ibant :
~~Inque fugam prae~~ dant corpora ; jamque sub auras
 Surgere, jamque humiles visi procumbere campo,
 Signantesque oculis metam vix æquora libant
 Lævia : non citius Paphia advexere sagittæ
 Vulnera : *Marlburium* citiorem haud *Flandria* vidit
 Scindentem fossas, & agentem fulmine Gallos.
 Dumque volant, crepitans ad ripas murmur euntum
 Labitur, & longæ per faucia stagna querelæ :
 Adstantumque cavis vadunt stridoribus aures
 Vulnera rauca pedum, fixæque injuria calcis.
 Non secus ac adamantis apex ubi sculptile vitrum
 Scindit, inhærenti sub acumine ducta cicatrix
 Ingratum fabri stridorem dentibus edit.

Jam præit hic cursu melior; jam tardior idem
 Prælapso invidet pedibus; mox impetus omnes
 Æquus agit, junctisque advectat frontibus una
 Læve super speculum: pedibus sua quemque reversis
 Sub glacie *Effigies* labens comitatur, & inibat
 Mima, laborantem simulans; pariterque volando
 Contendens, famæ spe certat, inanior ipsa.

Est campi ad fundum campo sese intulit unda,
 Non minus opportuna solo, quam commoda ludis,
 Fraxinus: haud illâ pecori data gratior arbor,
 Si pluat, obtendens tegmen; si ferveat, umbras.
 Hanc signum statuere, fugam quo vertere scirent.

Jam spatio emenso redeunt præmia nisi
 Prima petunt toto: & sudores frigora vincunt.
 Ut primam ad palmam subeunti turba faventum
 Circumfusa fremit: deinc una proxima bini
 Corripiunt spatia; at victoria, frontibus æquis
 Indiscreta, dedit talis discernere litem.
 Cunctantes reliquos pudor increpat: ultimus ægra
 Lapso genua trahens, & foedas sanguine nares
 Saucius, his risum movit, miserabilis illis
 Tristitiam; dolere boni, risere maligni.

Tu felix *Batavum* regio; Tu, frigoris usa
 Sævitiæ, nostros vertisti in seria ludos.
 Te procul æratis mercatum calcibus urbes
 Ire juvat: passim circum sua rura vagantur
 Agricola, quondam sua, nunc communibus una
 Vincula gelu facies discrimina sustulit arvis.

Lactis

Lactis onus portans ancilla in vestibus ulnas
 Implicuit, nec opem dextræ mulctrale poposcit:
 Præque diem veniens enavit ad oppida sæpe
 Cum calathò, pretiumque fugâ pedis attulit ovis.
 Quisquis es, innantem juvenis fuge; purpura malas
 Vestiit, urbanis pallorem auctura puellis.

Siquis ab usque *Hagis* promiserit advena *Leydæ*
 Adfore cænatum, voti reus; ære fidelis
 Supposito pes nulla coquis convicia movit.

Curfibus his vitam tumulo differre propinquam
 Consuevere senes: a tergo Tempus anhelum
 Nequicquam curvâ tendit comprehendere falce.

Quà procul amoto patiuntur sole quotannis
Lapponii indigenas hyemes, noctemque trimestrem:
 Quà nix aggeribus montes insternit & arva,
 Cæcaque fallentes pecudum vestigia fossas:
 Illic quisque pedum plantis tabulata viator
 Subligat, in medio firmans vestigia ligno,
 Ac lato discit labentia trudere conto.
 Infistens super his, campos impune nivales
 Transvehitur, contoque viam quacunque ministrat;
 Sive ad templa ferat responsis prædita cæcis
 Cymbala, & increpitans cunctantem *Dæmona* plectrum:
 Seu volet intentus venatu, & spicula damis
 Ingerat: Interea cursu dum ligna tepescunt,
 Attritus niveam tabulæ calor æquat arenam,
 Incurfuque vias signat. Ceu lintea quando
 Abluta, ad solem ficcantem expansa rigescunt;
 Plana trahunt retrahuntque super prælonga puellæ,
 Ferrea, sumpta focis: rugasque ubi delet cundo
 Dexterâ, tot subtus ferri vestigia fumant.

Ad Somnum.

O Dive, ramum rore papaveris
 Lethesve tinctum, ter super aut quater,
 Sub noctis extremum vocanti,
 Tempora concutias; nec aures
 Pulsentur: inter somnia dum *Chloe*
 Per prata ducat, per fluvios fugax:
 Capella ceu pastis salicto
 Cum vitulis studiosa ludi.

F I N I S

Lactis onus portans ancilla in vestibus ulnas
Implicuit, nec operi dextra multas poposcit;
Pecque diem veniens enavit ad oppida sepe
Cum calathos, pretiumque longa pedis attulit ovis.
Quidnis es, inuicem iuvenis iuge; purpura malas
Vestit, urbanis palloribus auctura puellis.
Siquis ab aliis vix promittit advena Leda
Adhuc certatum, non tunc; arec fidelis
Supposito pes nulla copis convicia movit.
Cursus his vitam tumulo differt propinquam
Coniungere lenes; a tergo Tempus anhelum
Nedignam curva tendit comprehendere falce.
Qua proci antoto patitur sole quatuor
Lappos indigenas hyemes, nocturne trimestem;
Qua nix aggeribus montes inscruit & arva,
Caecaque fallentes pedum vestigia tollas;
Illic quidque pedum plantis caputata viator
Subigat, in medio firmans vestigia ligno,
Ac laeo dicit labentis trudere conto.
Inlucens super his, campos impune nivalis
Transvehitur, contopae viam quacunq; ministrat;
Sive ad templa statat responis praedia caecis
Cymbala; & incipitans cunctantem Deorum plectrum;
Sed volat intentus venator, & spicula damis
Ingerat: Interes cursum dum signa repellant,
Actus niveam tabulas, & repant arnam,
Incursumque vias signat, inter quando
Abstrus, ad solem siccat, & spicula rigescunt;
Plana trahunt retrahuntque super praelonga puellas,
Ferre, sumpta focus: rugisque ubi delet cundo
Dextera, tot subtrahit vestigia fumant.



Ad Somnium.

Dive, tamen rore papaveris
Lethae tinctum, ter superant quater,
Sub noctis extremum vocant;
Tempora concutias; nec antes
Pulcentur: inter somnia dum Chloë
Per prata ducat, per fluvios iugax;
Capella cum pallis salicis
Cum vitulis ludibundis.

F A N A S